

“Хаанай бартаа” гэхэн ёһололой арка

II-дохи ерээдүйн хаан Николай, хаанай хүбүүн Николай Александрович XIX-дэхи зуун жэлэй һүүлшын жэлнүүдтэ Зүүн Сибирийн нютагуудаар аяншалаа һэн.

Дээдэ-Үдэ хотодо (мүнөө Улаан-Үдэ) 1891 оной июнийн 20-21-дэ үндэр зэргэтэй айлшанай ерэхэн ушарта зорюулагдан “Хаантанай бартаа” гэхэн ёһололой арка баригдаһан юм. Николай Паув архитектор зохёһон байна. Модоор дархалагдаһан арка шулуун постамент дээрэ табигданхай һэн. Хоёр тээһэнь эгээл дээрэнь хоёр толгойтой бүргэд шубуунай дүрэ һүлдэ тэмдэгээр харуулан урлаһан байгаа. 1917 ондо, хубисхалай үедэ, һүлдэ тэмдэгүүдынь ходолжо абтаа бэлэй. 1936 ондо Арка задалагдан хуряагдаа. 2006 ондо Улаан-Үдэ хотын 340 жэлэй ойн баярай һайндэртэ энэ Арка, тэрэл шэгээрнь, тэрэл газартань дахин шэнээр шулуугаар һэргээн баригдаһан байна. Үргэнөөрөө 14 метр, үндэрөөрөө 9 метр баригдаа, харин түхэлөөрөө XIX зуун жэлэй аркатай тон адли болоо. Мүнөө үедэ Буряад Уласай түб хотын гоёолто болонхой.





Верхнеудинскъ. Триумфальная арка.

Изд. Книжки. Магазины С. Б. Подельяша въ Верхнеудинскѣ.





